

## SO WHAT

*What is the relevance of the Word to my life?*

- Basahin ang Mateo 5:44,45. Anong mga katangian ng Diyos ang nakikita mo sa bersikulo 45? Papaano ka naeenganyo ng mga katangiang ito upang sundin ang nakasulat sa bersikulo 44? Bakit?
- Ngayong alam na nating alam ng Diyos ang ating mga pangangailangan, ano ang matututunan mo sa Filipos 4:6,7?
- Basahin ang Roma 3:10-18. Ano ang sinasabi nito tungkol sa kalikasan ng tao? Papaano nito nababago ang pagtanaw mo sa grasya na bigay ni Jesus sa atin?

## NOW WHAT

*How do I apply the Word to my life?*

- Papaano mo mapapalago ang isang mapagpasalamat na puso ngayong linggo? Pag-usapan ninyo ng iyong kaibigan kung papaano kayo nabiyayaan ng Diyos noong nakaraang mga taon.
- Ipanalangin ang mga pangangailangan ng iyong mga mahal sa buhay at tanungin mo ang Diyos kung papaano ka magiging biyaya para sa kanila.
- Gamitin ang Roma 6:23 upang magbahagi ng ebanghelyo ngayong linggo.

## PRAYER

- Magdasal at pasalamat mo ang Diyos sa patuloy Niyang paglalaan para sa ating mga pangangailangan (hangin, araw, ulan, atbp.).
- Ipanalangin mo ang pinakamalaking pangangailangan ng iyong kagrupo.
- Hilingin sa Diyos na bigyan Niya ng kamuwangan sa ebanghelyo ang iyong mga kapamilya at kaibigan.



**VICTORY**

**Honor God. Make Disciples.**

Karapatang Pag-aari © 2011

Pinahihintulutan ang pagkopya ng lathalaing ito na galing sa Victory® para sa kagamitan ng lokal ng simbahan.

Ito ay hindi pinagbibili.

victory.org.ph

FILIPINO

# Blueprint

Discovering God's Intended Design

**Sa Paglalaan  
ng Diyos  
Week 4**

## NOTES

## CONNECT

- Anong regalong natanggap mo ang napakinabangan mo ng husto? Bakit?
- Papaano mo pinasalamat ang huling nagbigay ng regalo sa iyo?
- Alin ang mas gugustuhin mo, isang regalong mamahalin ngunit hindi masyadong magagamit o isang di gaanong mahal na regalo pero magagamit mo ng husto? Bakit?

## WORD

<sup>27</sup>Kaya nilikha ng Diyos ang tao na lalaki at babae ayon sa wangis niya. <sup>28</sup>At binasbasan niya sila. Sinabi niya, “Magpakarami kayo para mangalat ang mga lahi ninyo at mamahala sa buong mundo. At pamahalaan ninyo ang lahat ng hayop.”

Genesis 1:27,28

## WHAT

*What does the Bible say?*

Bilang tagapagdala ng wangis ng Diyos, sinasabing ang tao ang korona ng lahat ng nilikha ng Diyos. Higit pa rito, pinagpala ang tao ng isang kakaibang ugnayan na ang Diyos mismo ang nagsimula. Sa Kanyang katapatan at kabutihan, pinaglaanan ng Diyos ang bawat pangangailangan ng tao.

- **Simula pa lang, naglaan na ang Diyos para ating pangangailangan.**

<sup>29</sup>Pagkatapos, sinabi ng Diyos, “Ibinibigay ko sa inyo ang mga pananim na nagbubunga ng butil at ang mga punongkahoy na namumunga, para kainin ninyo. . . .” <sup>31</sup>Pinagmasdan ng Diyos ang lahat niyang nilikha at lubos siyang nasiyahan. Lumipas ang gabi at dumating ang umaga. Iyon ang ikaanim na araw.

Genesis 1:29,31

Nang nilikha ng Diyos ang tao sa ikaanim na araw, limang araw na pinaghandaan ng Diyos ang lahat ng kakailanganin ng tao upang mabuhay: araw, hangin, tubig, mga tanim, at iba pa. Binigay itong lahat ng Diyos ng libre, ng hindi na hiningi pa ng tao. Hanggang ngayon, patuloy na naglalaan ang Diyos para sa ating mga pangangailangan kahit ano pa man ang katayuan ng ating ugnayan sa Kanya (Mateo 5:45). Anong probisyon ng Diyos ang nariyan para sa atin ngunit madalas ay ating binabalewala?

---

---

---

---

- **Naglalaan ang Diyos para sa mga darating nating pangangailangan.**

*Pagkatapos, sinabi ng Panginoong Diyos, “Hindi mabuting mabuhay ang tao nang nag-iisa lang, kaya igagawa ko siya ng kasama na tutulong sa kanya at nararapat sa kanya.”*

Genesis 2:18

Ang pangangailangan ng isang katuwang ay dumating sa tao ngunit una itong nakita ng Diyos. Pinaglaanan Niya agad ito. Pinapakita lamang nito na kagustuhan ng Diyos na tugunan ang mga darating pa nating mga pangangailangan. Lagi Siyang nakaabang upang maglaan. Alalahanin ang panahong tinugunan ng Diyos ang iyong pangangailangan bago mo pa ito hiniling sa Kanya.

---

---

---

---

- **Pinaglaanan ng Diyos ang pinakamalaki nating pangangailangan.**

*“Ikaw at ang babae ay mag-aaway. Ang lahi mo at ang lahi niya ay mag-aaway din. Dudurugin niya ang ulo mo at tutuklawin mo ang sakong niya.”*

Genesis 3:15

Nang nahulog ang lalaki at babae sa kasalanan (Genesis 3), naputol ang kanilang ugnayan sa Diyos at pagdudusahan nila ang bunga ng kanilang kasalanan tulad ng nararapat. Ngunit kahit pa man sa pagsuway nila sa Diyos, pinangakuan na sila ng isang Tagapagligtas (bersikulo 15) na maglilitas sa sangkatauhan sa kanilang mga kasalanan. Ang kaligtasang ito’y naging ganap nang mamatay si Jesus sa krus para sa tao (Juan 3:16). Ano ang naibalik sa atin ng pagkamatay ni Cristo sa krus?

---

---

---

---